



ZWISUNGO ZWEWANISA MIHINGO

Tozwipila hhadzisa zwisungo zwinotebela pawanisa mihingo yedu:

- Wanisa vula nezila yakagadzikana kunayibo bose batinohingidzana nabo.
- Bose batinohingidzana nabo banotikumba kumawhofisi edu toolezwana nabo pakati kwemaminitsi aligumi (10) eswika kwabo.
- Bahingi bedu banozwizibisa kupatjena kakale banoobhata batinohingidzana nabo nezila inabunhu kakale inobalemekedza.
- Toolingisisa dzose dzindebo dzebatinohingidzana nabo nezila dzibuyanana, dzinobimbika kakale dzinohaka lulwamisa.
- Toohandudzana nendebo dzose dzesagutshikana kakale toozibisa matshambo atatola pakati kwemahhuba aligumi (10) eHINGA kubva pahhuba lewamutjila ndebo idzedzo.
- Dzose whalo dzatinokwaligwa toodzihandula kene zibisa kuti tadziwamutjila pakati kwemahhuba aligumi nemana (14) eHINGA kubva pahhuba lewamutjila lukwalo.
- Hapa fomu linohakika kuti lihhadzisiwe n'hingo usanhu wathamiwa lalulwamisiwa, jidzo loowanisiwa pakati kwemahhuba alimakumi mabili nelin'ompela (21) eHINGA hule kwetumigwa kwefomu lahhadzisiwa kwakatambunuka.
- Toohandudzana nesaswika kwevula kubva pasahinga zwibuyanana kwendongoloso dzewanisiwa kwayo pakati kwema-awa makumi alikunotondeka nemabili (72) hule kwetumigwa tjizibiso.
- Toobona kuti mamitha evula anobagwa, nlipo ukazibisiwa kakale bose batinohingidzana nabo banoowanisiwa mabhili abo kusanhu kwapinda mahhuba mahanu milipo yevula yathamiwa.
- Toobona kuti hhugwa kwevula inoba yahhaligwa kwathamiwa pakati kwemahhuba matatu eHINGA hule kwekuba batinohingidzana nabo balipa/ babhadala milipo yabo.

MILANDU NENDULAMILO DZEBUNGA LEHANGO YEZINWA

Bunga leHango yeZimbabwe Linolawula Hingisiwa kweVula (Zimbabwe National Water Authority):

- Lozwimililila kuhango yeZimbabwe.
- Loowanisa vula inotebedzela zwisungo zwebunga lebutjilo bubuya zwepasi lose (World Health Organisation Standards).
- Alitobvumila bupitipiti nehalawulo dzinomilidzila bamwe kupinda bamwe.
- Lowamutjila mibono inoba iyo inokudzika ngoba liyihingisa setjilakidzilo tjehinga kwalo kunoyendidzana nezwisungo zwalo.
- Loothama mitolo yalo yose nebumhihha gwebutjenjebvu, nemasimba kakale nebunhu.
- Batinohingidzana nabo banandulamilo dzelebeleka nen'hingi umutjigalo tjikulu pan'hingo kene nembhati wetjikamu kwabanohaka jidzo kutjili.
- Tozwipila wanisa batinohingidzana nabo luzibo gutjahinga kunopetela yeta kuti luzibo gwakafanila guswike kubali nenlomo, nezila yekwala kene kuhingisiwa zila dzemahhuba angwenu dzelebelesana neludandi kene tihingisa zwiphephanyana zwetula mibiko, maposita kene nadzipi zwadzo dzimwe zila dzetula luzibo.

MILANDU NENDULAMO DZEBATINOHINGIDZANA NABO

Sebatinohingidzana nabo batinokudza ZINWA inohaka kuti:

- Mube newhalo dzakafanila dzeHINGISA kwenyu vula.
- Mulipe milipo yenyu yevula nelubaka.
- Musiyane nezila dzebupitipiti muhinga kwenyu nebahingi beZINWA. Kwakanaka kuti muzibise yose mihingo yebupitipiti inoyetiwa nebahingi bedu kene nayibo bose bahingi bahlumentente.
- Mubhate bahingi beZINWA nezila inabunhu kakale inobalemekdza.
- Mubone kuti yose ndebeleko yakakwagwa inopetela yesagutshikana nezwikumbilo inopelekewa nezwinyogwa nebusupi gwakafanila.
- Muwanise beZINWA luzibo gwebumo gwemazina ezwimililila (ma-akhawunti) gwahandugwa nelubaka igogo gwehanduka kwago.
- Mubone kuti zila dzepindisila vula kufanana nemamitha kogala kwakatjengetedzeka kakale kwakadzibililika.
- Mutebedzele yose milayo inohakika kakale musiyane nezila dzeHINGISA vula dzisimunlayo.
- Muhingise vula nezila dzibuyanana.
- Mulondolodze layini lewunga kweVula limbeli kwemitha.